

Asisko gutuna

2013ko Abuztua.

2. printzipioa.

Eguneroko bizimodua: barnerantz, umiltasuna

58. zenbakia

Asis Sarea eguneroko bizimoduan espiritualtasun frantziskotarra ezagutu edo partekatu nahi duten lagunen sare sozial irekia da.

Espiritualitatea gure egunerokoan bizitzea bilatzen ari gara. Baina zeinen ongi datorkigun atsedeen hartzea, gure eguneroko ahalegina etetea, eta denbora hartzea; bai arnasa hartzeko, bai begira jartzeko, bai pentsatzeko, bai erreparatzeko... eta baita elkarjartzeko, elkar gozatzeko, elkar oparitzeko, eskertzeko... Hain da ugaria gure pobretasunean eman zaiguna...

Gogoetarako gaia

Errutinak, atsedanak eta Jainkoa direla-eta

Asko eta asko joatean bezain nekatuak edo are nekatuagoak baldin badatoz ere oporretatik, udaldiak aukera eskaintzen digu gorputza eta gogoia urte-garaiko nekeetatik atsedentzeko, eguneroko loturetatik askatu eta gehien nahi eta interesatzen zaigunarekin gehiago eta hobeto konektatzeko.

Baina zergatik askatu nahi dugu eguneroko loturetatik? Errutinak ez al dira, agian, erremedio on kalte handientzat? Errutinek, nolabait, laguntza handia ematen digute, baina, hala ere, beharrezkoa dugu bidean atsedean hartzea, horrela kontzientzia hartzeko geure errealitateaz, geure barrunbeaz, naizen eta izan nahi nukeen pertsonaz, neure burua eta miseria eta lehentasunekin bizitzeko dudak gaitasunaz, neure bizitzak daraman norabideaz, azken batean neuretzat, besteentzat eta Jainkoarentzat nor naizenaz.

Aurrera egiteko modua besterik ez dugun geldialdi honek aukera ematen digu geure baitan eta

geure espiritu-pobretasunean sakontzeko, horrela geure burua apalki Jainkoaren, elkartearen eta geure buruaren aurrean kokatuz. Otoitzaldi bat, isiltasuna, arrats baketsu bat, goiz argitsua, ekaitzaren ondoko barealdia, patxada oneko gau bat, trenez nahiz autobusez eginiko bidaiatxoren bat, une bat hondartzan, geure herri edo hiriko kale hutsetatik nahiz menditik eginiko ibilaldi bat izan daitezke une eta toki, geure espiritu-pobretasunarekin konektatzeko eta gu geu Jainkoaren aurrean egitasunez eta onestasunez, geure txiki izatea onartuz, jartzeko.

Barru-barrutik, bizi-printzipio gisa eta Espirituaren dohain gisa, sortzen den espiritu-pobretasun eta apaltasun horrek ezinbestez jarraibideak eta portaerak sortzen ditu kanporantz, beroriek bizitzan egoteko ditugun modu gisa agertzen zaizkigularik. Balia gaitezen, bada, bidaiaz.

Ebanjelioko pasartea: Mk 6, 30-35

Apostoluek, berriro Jesusengana bildu zirenean, egin eta irakatsi zuten guztiaren berri eman zioten. Jesussek esan zien: «Zatozte zuek bakarrik leku gorde batera, eta hartu atsedean pixka bat». Asko baitziren joan-etorri zebiltzanak, eta ez zuten jateko astirik ere. Orduan, bazter batera joan ziren, beraiek bakarrik, txalupaz.

Frantziskotar espiritualtasuna

“Egun batez, hainbeste mesede egin zion Jaunaren errukia miresten ari zela ... otoitz-leku batera joan zen, maiz egiten zuen bezala. Luzaroan egon zen han, beldur-ikaraz, mundu osoaren Jabearen aurrean ... hitzok errepikatuz: *Ene Jainkoa, erruki zaitez bekataria honetaz*. Poliki-poliki, halako poz esanezinekoa eta gozotasun neurrigabea bihotz barnera isurtzen zitzaiola sumatzen hasi zen ... Gozotasun hura argiarekin batera desagertu zenean, espiritu berriz jantzita, beste gizon bat bihurtu zen” (1 Zel 26).

Frantziskok toki baztertuak bilatu ohi zituen otoitzerako. Atsedena eta indarra zen beretzat Jainkoa. Bazekien zer zen *txiki eta baxuen* sentitzea, eutsia eta indarberritua izateko premian izatea. Askotan zama astuna jartzen zioten gainean anaia askoren ulertze-faltek, bere zalantzen eta ahuleziaren nekeak. “Aldi luzeak ematen zituen Jaunaren aurrean” Jesus zuela ahoan, Jesus begietan, Jesus bihotzean (ik 1 Zel 115), eta horrela, “beste gizon bat bihurtzen zen”. Errutinak eta nekeak lagun ditugu beti bizitzan, baina begiak non atsedendu eta bihotza non sosegatu edukitzea da axolazkoa.

Otoitza

Presaka bizi naiz
eta Zuk esaten didazu «zatozte niregana
nekatu eta zamatu guztiok
eta neuk emango dizuet atsedena».

Ene Jainko, Zu zara nire atsedena,
nire atsedena bakar eta egiazkoa;
Zugan atsedena hartzen ikasi nahi dut,
Zugan atsedena hartzen.

Ene Jainko, Zu zara nire atsedena,
nire babesleku bakar, nire salbamen bakar,
erorarazi nahi banaute ere,
kanpotik losintzaz bete
eta barrutik kritikatu nahi banaute ere.

Zu zara nire indar,
ez naiz balantzan ibiliko,
ez naiz eroriko,
zu baitzara nire babesleku,
zu bakarrik nire segurtasun.

Ene Jainko, zu zara nire atsedena,
nire atsedena bakar eta egiazkoa,
har ezazu, ene gogoia, atsedena
Jainkoagan bakarrik hartzen duzu presatik
atsedena.

Nik beti zugan dut konfiantza,
zugan dut bihotza arintzen,
zugan bakarrik du atsedena nire gogoak
zugandik bakarrik datorkit salbamen.

Nire aberastasunak erruz ugaltzen badira ere,
ez diet neure bihotzik emango,
zu bakarrik baitzara nire jainko,
zu bakarrik nire babes.

Ene Jainko, zu bakarrik zara nire atsedena,
nire atsedena bakarra.

(Hna Glenda)

Gutuneko azken hitzak

“Maitasunean dabilen arima ez da ez nekatzen ez nekarazten” (Kurutzeko San Juan)

2013ko abuztuko eguneroko Ebanjelioa

Egunero Ebanjelioa irakurri nahi duten lagunek, egun bakoitzari dagozkion irakurgaien arabera, hemen daukate abuztuko erreferentzia guztiak:

| | | | | |
|----------------|------------------------|-----------------|-----------------|----------------|
| 1 Mt 13, 47-53 | 8 Mt 16, 13-23 | 15 Lk 1, 39-56 | 22 Mt 22, 1-14 | 29 Mk 6, 17-29 |
| 2 Mt 13, 54-58 | 9 Mt 10, 28-33 | 16 Mt 19, 3-12 | 23 Mt 22, 34-40 | 30 Mt 25, 1-13 |
| 3. Mt 14, 1-12 | 10 Jn 12, 24-26 | 17 Mt 19, 13-15 | 24 Jn 1, 45-51 | 31 Mt 25, 14-3 |
| 4 Lk 12, 13-21 | 11 Lk 12, 35-40 | 18 Lk 12, 49-53 | 25 Lk 13, 22-30 | |
| 5 Mt 14, 13-21 | 12 Mt 17, 22-27 | 19 Mt 19, 16-22 | 26 Mt 23, 13-22 | |
| 6 Lk 9, 28b-36 | 13 Mt 18, 1-5.10.12-14 | 20 Mt 19, 23-30 | 27 Mt 23, 23-26 | |
| 7 Mt 15, 21-28 | 14 Mt 18, 15-20 | 21 Mt 20, 1-16 | 28 Mt 23, 27-32 | |

Geure web gunea bisitatu

www.asissarea.org




Asis Sarea

646 21 48 96